

детельным житием тщашеся угодити богу. Таже в недуг телесный впаде и, мало поболев, преставися ко господу, и погребоша честно с песньми надгробными в лето 6917 месяца сентября, в 14 день. И таковым || тогда неправедным похищением Витофт Смоленское великое княжение из руския державы исторже к своей Литовской области, им же властвоваху Литва и до самодержавнаго государя и великаго князя Василия Ивановича всея Руси, ему же благоволи бог многим подвигом паки исторгнути от латыньства град Смоленск от области литовскаго краля Жигдиманта к своему от чешскому наследию рускаго царствия в достояние ему и чадом его в роды и роды. Их же благочестиву державу благостию своею, господи, сугубо ураспространи и всякия благодати исполни и на вся сопротивныя им пособствуй, мирно же и безмятежно и благоугодно тебе благочестивое царствие их во благоденьствии утверди, христе боже наш, помилуй нас.

II ред.

Ркп. Румянцева № 156. Сборн. XVII—XVIII вв., лл. 177—178 об.

Сказание о убении святого князя Симеона Мстиславича Вяземского и целомудренныя его княгини Юулиании и о князе Юрии Смоленском

Святыи благоверный князь Симеон Мстиславич Вяземский и княгиня его Юулиания мученически скончашася от великаго князя Юриа Светославича смоленского (внук Иванов, правнук Александров, праправнук Глебов, прапраправнук Ростислава Мстиславича), иже у него быша, служаху ему в Торжку граде; за целомудрие иже хоте княгиню Юулианию осквернити блудом. Она же много боряся || с ним и увещаваая его и не увеща. Он же силно хоте исполнити и яко ляже с нею. Она же взем нож и удари его ножем в мышцу. Он же разярився, уби князя мужа ея, а ей же повеле рuce и нозе отсеци и в реку воврещи в Торжку, иже ту был наместником от московскаго князя Василиа Дмитриевича. Иже под ним взя Смоленск его Витофт князь литовский без него и жену и дети его в Литву отосла. Он же по том много скитався за стыд, || и все покину, и бежа сам ко Орде, не могый срама терпети, и горкаго безвремения, и безчестия и студа. И по многом безумии в чувство прииде и в пустыню вселися в земли резанстей на реце Осетре, меж Тулы и Николы Зарайского, в Веневе пустыне в монастыре святого Николы, у некоего игумена Петра имянем. И много потрудися и в покаянии преставися к богу в лето 6915 месяца септемвриа в 14 день. Ту же и положен бысть в монастыре, лишен бысть отчины, || и жены и детей своих. А тем исходатайствова убением своим вечный живот и небесное царство. Богу нашему слава. Аминь.

III ред.

Изд. по ркп. Румянц. № 156. Сборн. XVII—XVIII вв., лл. 169—173.

Варианты по ркп. Румянц. № 364. Сборн. XVII в., лл. 289—290 об. — Г,

и по ркп. Румянц. № 166, XIX в., лл. 1—5. — Р.

9 Повесть о ¹ благоверной княгине Юулиании ² великаго князя Симеона Мстиславича Вяземского

¹ Добавлено: святей — Г.

² Улияней; добавлено: супружнице. — Г.